



Эхэ хайхан нутагаа эд хамта мандуулаар!

БУРЯАД УНЭН

1921 оной
декабриин 21-нээ
гарана

Бүгэдэ
арадай
газетэ

1996
АПРЕЛИИН
20
Хабарай һүүл хара луу
һарын 3
СУББОТО
гарагай 7
№76 (19416)
Газетын сэн
Хэлсээтэ.

Үглөөдэр - Эрдэмэй Үдэр

Хабарай тарилгада хэр бэлдэнэб?

Мүнөөдэрэй
шухала
асуудал

ШАМДАХААР САГ ЕРЭЭ

ЭРДЭМ ШЭНЖЭЛГЫН ЭХИН ГУЛАМТА



1
Манай республикын эгээл үнинэй эрдэмэй эмхи зургаан болохо Буряадай Нийгын эрдэмэй институт хойто жэлдэ 75 жэлэйнгээ оёе тэмдэглэхэнь.

Мүнөө үедэ институтнай, бүхы Россин эрдэмдэл ади, хүнэр хүндэ сагые дабан гаража байна. Бюджетэй номолого гансал хүдэлмэрилэгшэдэймнай салин хүлэндэ үгтэнэ. Тэрэ муртөө үшөө дутуугаар үгтэдэг байһандань халагламаар. Харин эрдэмдэ, тодорхойбол, экспедици, командировко, хэблэл, конференци болон зүблөөнүүдые үнгэргэлгэдэ нэгшье түхэриг номологдохоёо үнинэй болинхой. Гадна электрын элшэ хүсэнэй, дулаанай болон капитална заһабарилгын түлөө түлэхэ мүнгэнэй үгы байһаниинь эли. Энээн дээрэнээ харахада, эрдэмтэд ажалгүйнүүдэ үгтэдэг мүнгэнэй хэмжээнэй түлбэри абана.

Мүнөө үедэ манай институтта эрдэмэй 84 хүдэлмэрилэгшэд ажаллана. Тэдэнэй 19-ниинь эрдэмэй докторнууд юм. Институтамнай түүхын, этнографин секторнууд, археологин лаборатори, философийн, социологин, Зүүн зүгые шэнжэлгын, уран зохёол, арадай аман зохёол, искусство шэнжэлгын, хэлэ бэшэг, Зүүн зүгэй гар бэшэгүүдые шэнжэлгын таһагууд бии. Энэ дээрэ нэрлэгдэһэн таһагуудай нэрэнүүдые харахада, институтаймнай шэнжэлдэг асуудалнуудай хэды үргэн ехэ байһиень тухайлаар бээ.

Үнгэрэгшэ 1995 ондо институтаймнай эрдэмтэд 12 монографи, статьянуудай 9 суглуулбари, 7 брошюра болон һуралсалай номуудые хэблэн гаргаһан байна.

Тэдэнэй эгээл томонуудые тоолобол, "Евразийн арадуудай эпос" гэхэн сери дор гараһан буряад арадай гайхамшагта эпос "Абай Гэсэрэй" академическэ хэблэл, "Гэсэрэй" 1000 жэлэй ойдо зориулжа хэблэһэн "Абай Гэсэр Богдо-хаан", философийн эрдэмэй доктор И. С. Урбанаевагай "Байгалай хажуудахи хүн болон Түб Азийн түби дэлхэй", философийн эрдэмэй доктор Л. Е. Янгutowай "Хитад буддизмын философско нургаалда дэлхэйн эблэрэл", "Буряад уран зохёолой түүхэ". 1917-1955 онууд гэхэн хамтын монографи болон. Энэ һүүлшын монографи дотор хамалга хардалгада ороһон уран зохёолшодой библиографическа мэдээнүүд үгтэнхэй.

Манай институт нёдондо жэл 3 конференци үнгэргөө һэн. Тэдээн сооһоо "Гэсэриада—Түб Азийн арадуудай үндэһэн баялиг" гэхэн уласхоорондын конференци онсолон тэмдэглэхэ хэрэгтэй. Тус конференцидэ 9 гүрэнэй 30 гаран эрдэмтэд хабаадаа бэлэй.

Үнгэрэгшэ жэлдэ институтаймнай Диссертационно совет хайнаар хүдэлөө гэжэ тэмдэглэхэ хэрэгтэй. Жэлэй туршада 5 докторско, 10 кандидатска диссертацинууд хамгаалагдаа. Тэдэнэй хоёрын монгол эрдэмтэд (1 доктор, 1 кандидат) болон.

Мүнөө үедэ эрдэмтэдэймнай коллектив тон эршэмтэйгээр ажалаа ябуулна. Эрдэмэй үдэртэ зориулан ээлжээтэ эрдэмэйнгээ сессиие байгша ондо институтаймнай эрдэмэй совет залуушуудда зориулжа гэжэ шийдхэбэри абан байна. Тийгэжэ 4 секцидэ 43 элдхэл уншагдаба гэшэ. Энэ хэрэг бидэниие тон баясуулна. Ушар юуб гэхэдэ, хэдэн жэлэй саада тээ бүхы Росси дотор эрдэмтын үүргын эрид доошолһые мэдэнэбди. Тэрэндэ элдэб шалтагаан байгаа: социальна талаараа хамгаалалтань тон бага, салин хүлэниинь өөдөгүй гэхэ мэтэ. Эдэ бүхы шалтагаанууд залуушуудые эрдэмһээ тэрвэдэхэ харгыдань оруулдаг байгаа бишуу.

Энэ жэлдэ эрдэмэй хоёр конференци үнгэргэхэ тусэбтэйбди. Нэгэдэхинь хадаа, гүннүүдэй археологин 100 жэлдэ зориулагдан археологуудай уласхоорондын конгресс болон. Тэрэ август нарада болохо юм. Мүнөө үедэ тус конгресстэ хабаадаһаа эрдэмтэдэй 150 гаран мэдүүлгэнүүд ороод байна. Тэдэнэй жара гараниинь хилын саанахи холын гүрэнүүдһээ ерэхэ юм. Энэ ехэ конгресс үнгэргэхэдэмнай Буряад Республикын Правительство, коммерческэ болон бусад эмхинүүд

2
мүнгэн зөөрин туһаламжа үзүүлэхэ бээ гэжэ этигэн найданабди. Угы гэбэл, ганса институт иимэ ехэ хэмжээ ябуулга үнгэргэжэ шадахагүй байна.

Байгша оной октябрь нарада "Буряад арадай мүнөө үсын байдал болон үндэһэн хүгжэлтын хараа замууд" гэхэн асуудалаар тон шухала удхатай эрдэмэй конференци үнгэргэхэбди. Энэ конференци эмхидхэхэдэмнай республикын олоншитэ тус асуудалаар эдэбхитэйгээр хабаадаа бээ гэжэ найданаб.

Харин июнь нарада манай институт ВАРК болон "Хэсэ хэнгэрэг" гэжэ нэрэтэй буряад бөөнэрэй ассоциацигай хамта "Түб Азийн бөөгэй шажан: философско, түүхын, шажан мүргэлэй, экологическа асуудалнууд" гэхэн темээр эрдэмэй уласхоорондын симпозиум үнгэргэхэ юм. Эдэнһээ гадуур манай эрдэмтэ бүхэн түсэбэйнгөө ёһоор эрдэмэйнгээ хүдэлмэринүүдые ябуулна.

"Сибирин болон Алас-Дурна зүгэй арадуудай аман зохёолой хүшөөнүүд" гэхэн 60 боти номуудай ээлжээтэ номууд хэблэлдэ бэлдэгдэнэ, гадна "Буряад уран зохёолой түүхын" 1-дэхи, 3-дахи ботинууд хэблэгдэхээр хараалагдана. Мүн элдэб темэнүүдтэ зориулагдан хамтын суглуулбаринууд бэлдэгдэнэ.

Манай институтай эрдэмтэд Буряад Республикын Правительстватай, Арадай Хуралтай нягта барисаатайгаар хүдэлжэ, соёлой, һуралсалай, эрдэмэй, ёһо заншалай талаар арга хуулинуудые, тогтоолнуудые болон бусад документнүүдые бэлдэлсэхэ талаар ехэ хүдэлмэри ябуулдаг.

Мүнөө үедэ институтайнгаа байгуулагдаһаар 75 жэлэй ойдо бэлдэхэл хэжэ эхилэнхэйбди. Тэрэ ойдоо зориулжа, 2 суглуулбари хэблэн гаргажа түсэб бии. Мүн Буряад Республикынгаа арад зоной урда тоосожо, хайндэрэй эрдэмэй конференци үнгэргэхэ байһамнай эли. Далаад жэлэй туршада манай институтай Буряад ороной эрдэм хүгжөөлгэдэ оруулан хубита ехэ гэжэ хэлэхэ байнаб.

В. Ц. НАЙДАКОВ,

Буряадай Нийтын эрдэмэй институтай директор, Эрдэмэй болон искусствын Петровско академин бодото гэшүүн.

Ивалгын аймагай ажахынууд хабарай тарилгада арга шадалаараа бэлдэнэ. Жэлэнь, Ивалгын ажахы 59 тракторһаа 49-ень заһаад байна. Эндэ сеялкэ, анзаһан, культиваторнууд тарилгада бэлэн болонхой. Ажахын ахамад инженер Б. Н. Ленхобоев бүхы арга шадалаа элсүүлжэ, трактор, техникээ мүү бэшээр хабарай тарилгада бэлдэнэ.

"Пригородный", "Ошор Булаг", "Иволгинское" гэжэ хүдөө ажахын нэгэдэл тракторнуудаа заһажа, хэльбэжэ дүүргэбэ. Тийбэшье "Гильбэрэ" гэжэ хамтын ажахы 33 тракторһаа 17-ень заһаад байна. Эндэ сеялкэ, анзаһан үшөө хүсэд тарилгада бэлэн болгодоогүй. Тийхэдэ хабарай тарилгада аймагай ажахынуудта 675 тонно солярка, 83 тонно бензин, 48 тонно тоһон хэрэгтэй.

Мүнөө апрель һарын 10-най байдалаар "Гильбэрэ" 20 тонно, "8-ое марта" колхоз 15 тонно, Ошор Булаг 10 тонно, Оронго - 25, "Колобовское" ажахы 20 тонно соляркагай гэхэн мэдээсэл абтаа. Тийхэдэ эдэ үдэрнүүдтэ корпорацигай овоц ургуулжа үгэхөөр солярка, бензин, тоһо абаха хэлсэн баталагдаа, - гээд ажахын ахамад инженер Юрий Николаевич Куницын хөөрэнэ.

Эдэ үдэрнүүдтэ ажахын хүтэлбэрлэгшэд ехэнхи сагаа хаанаһаа түлишэ абахаб, олохоб гэхэн асуудал шийдхэлгэдэ зориулна.

В. БАТОРОВ.

КОМИССИ ЭМХИДХЭГДЭЭ

Түлэгдөөгүй байһан түлбэринүүдые бусаалгаха талаар дары ябуулга эмхидхэхэ комисси республикын Правительствын захиралтаар байгуулагдаба. Буряад Республикын Правительствын Түрүүлэгшын Нэгдэхэ орлогшо В. К. Агалов тус комиссие хүтэлбэрлэнэ. Зөөрин түхэл шэнжэнүүдһээ дулдыдангүй, предприятинууд болон эмхи зургаануудай үри шэритэй байһан тухай мэдээнүүдые хүдэлмэрин бүлэг энэ комиссида үгэхэ ёһотой. Республикын газар дээрэ

түлэгдөөгүй түлбэринүүд болон тоосоонуудта доройтон уналгын байдалые гаталан дабаха хэмжээнүүд хараалагдаха ёһотой.

Буряад Республикын Правительствын Түрүүлэгшын орлогшонор А. Н. Жильцов, Н. А. Астапенко, экономика асуудалнуудаар Буряад Республикын Президентын советник Н. И. Атанов, министерствэнүүд болон албан зургаануудай хүтэлбэрлэгшэд комиссийн бүридэлдэ оруулагдаба.

ӨӨДЭЛХЭДЭНЬ ТУҮАЛХА ЁҢОТОЙ

Мүнөө Буряад орон дотор 3500 шахуу бага предпряти тоологдоно. Эндэ 30 мянган хүн ажалладаг юм. Хүдөө ажахын продукци, барилгын материалнуудые үйлэдбэрлэхэ, үмсын гэрнүүдые бариха, фермерэй ажахые хүгжөөхэ, үргэн хэрэглэмжын эд бараа үйлэдбэрлэхэ хэрэгтэ ехэ үүргэ дүүргэхэ юм. Эдэ предпрятинуудай хахадһаа дээшэнхи хубинь худалдаа наймаанай, нийгын эдэ хоолой халбарида хүдэлдэг. 184,5 миллиард түхэригэй түхээрлэгэ хэрэгсэлнүүдтэй бага предпрятинууд 338,4 миллиард түхэригэй хэмжээнэй продукци үйлэдбэрлэн байгаа. Нёдондо жэл тэдэнэр 30 миллиард шахуу түхэригэй ашаг олзо абтаа. Энэнь экономикын бүхы халбарин ашаг олзын 14 процент болон. Гэбэшье бага предпрятинуудай олонхинь налог татабарида, урьһаламжануудайнгаа түрээсдэ дарагдажа, панхаруутан халашана.

Республикын Правительствын зохёондон программа илангаяа хүдөө ажахын түүхэй эд болбосоруулжа, барилгын, хүнгэн промьшленностиин халбарида, арадай хэрэглэмжын эд бараа үйлэдбэрлэхэ, ой модоной промьшленна комплексые, социальна бүхы халбаринуудые хүгжөөхэ талаар бага предпрятинуудай өөдэлхэ хэрэгтэ туһалха ёһотой.

58 миллиард түхэригэй хэмжээнэй продукци гаргаха хараатай элдэб шэглэлэй 40 гаран бага предпряти программада оруулагдана. Эдэмнай хилээмэ, мяханай зүйлнүүдые, сагаан эдэе, пивэ болон бусад продукци үйлэдбэрлэхэ арга олгохо байна. Барилгын материалнууд сооһоо хирпиисэ, бетон, хадаһаа гаргалгада гол анхаралаа хандуулжа. Арһан хубсаһа оёхо, гарай бэлэгүүдые бүтээхэ гэхэ мэтэ ажал мүн лэ ашаг олзо ехэтэй байхаар хүлээгдэнэ.

Буряад Республикын Президентын ба Правительствын хэблэлэй албан.



байгал шадарай нюутагчудта



МАРТАГДАШАГҮЙ ҮДЭРНҮҮД

Новосибирск өбластиин Бердск хото шадар оршодог "Юбилейный" лагерта Сибириин эдир бэшээшэдэй слёт үнгэрөө.

Манай "Буряадай залуушуул" гэхэн эдир бэшэгшэдэй бүлгэмэй гэшүүд Зина Банзаракцаева, Андрей Раднаев, Маша Майстренко, Ксения Крыгина, Кондрат Саңдаков гэгшэд тус слётто хабаадалсаба.

Эдир бэшэгшэдэй дунда 5 үдэрэй туршада эдэб һонирхолтой уулзалганууд, конкурснууд үнгэргэгдөө. Тэдэниие хүтэлбэрилэгшэд "Эдир бэшэгшэдэй нургуули: методико ба эмхидхэл" гэхэн тусхай семинарта дүй дүршэлөө хубаалдаа.

Сибириин хүүгэдэй хэблэлэй эблэл

байгуулагдаха тухай деклараци бэшээд, 26 хүтэлбэрилэгшэ тэрээн доро гараа табиба.

Мүн лэ эдэ үдэрнүүдтэ манай эдир бэшэгшэд Шэтын "Чад", Новосибирскын "Компот", "Телескоп", "Пятница" гэхэ мэтэ газетын, телевидениин эдир зохёолшоодтой танилсажа, һонинуудаа, дүршэлөө хубаалдаба.

Зина Банзаракцаева тус слётто эдэбхитэйгээр конкурснуудта хабаадаһанай түлөө шан - гарай час бэлэгтэ хүртөө.

Л. ДОРЖИЕВА.

ЗУРАГ ДЭЭРЭ: эдир бэшээшэд Новосибирскдэ.

Авторай фото.

ВЕТЕРАНДА - СЭРЭГШЫН ШАГНАЛ

90 наһа хүрэхэндэнай болон ажалай ветеран Герасим Павлович Рассадин Дээдэ-Тайлса тосхондо ажаһуудаг. Дайнай дүүрэхээр 50 жэлэй үнгэрхэн хойно "Шэн зоригой түлөө" медаль ветеранда хаяхан барюулагдаба.

Хориин аймагай военком Б. Б. Лхасаранов эрэлхэг зоригтой сэрэгшэдэ үндэр шагналыень барюулаад, үнэн зүрхэнэй халуун баяр хүргэбэ. Нюутагайхидынь, түрэл гаралынь үбгэжөөлые хани халуунаар амаршалаа, бэлэг сэлэг барюулаа.

Герасим Павлович Татьяна Галактионовна нүхэртэйгөө 3 үринэрөө хүл дээрэнь гаргаа, мүнөө 7 гушанартай болонхой. "Удинская новь" һонинһоо абтаба.

СЭЛЭНГЫН ҺОНИН

СЭДЬХЭЛЭЭ ХАНАНГИ

Новоселенгинскын больницада шэнээр баригдаһан залгалаа байшан хаяхан нээгдэбэ. Эндэ нэгэ доро 25 үбшэнтэн бээ аргалуула юм. Палата бүхэдэ - хүйтэн уһан, нюур гараа угааха раковина табигданхай.

Дайнай болон ажалай ветерануудта тусхай палата түхээрэгдээ. Тэндэнь телевизор, холодильник, зөөлөн мебель табигданхай. Эндэ эмшэлгэдэ ороһон түрүүшын наһажал зон ехэл сэдьхэлээ хананги байгаа һэн.

Тус байшан аймагай бюджетэй мүнгоор баригдаа. Ойрын Бургаастай, Поворот нюутагуудай зон мүн лэ энэ больницада бээ эмшэлүүлхэ аргатай болобо.

ЯДАРҢАН ХҮҮГЭДТЭ ТУҢАЛНА

Гусиноозёрск хотодо ажаһуудаг тон ядаруу, байдалтай гэр бүлэнүүдэй 15 үринэрые тэдхэхэ уялга Сэлэнгын аймагай үнэн алдарты хүмүүн дэргэдэхи хүзэгтэнэй бүлгэм бэ дээрээ даажа абаба. Тэдэнэрэй ашаар хүүгэд үдэр бүри түлөөлөгүй халуун үдэн хоол барина. Үнгэрхэн жэлэй туршада тус хүмэдэ 2000 дахин иимэ үдын хоол эмхидхэгдээ һэн. Буянтай энэ хэрэг үйлэдэһэн, олзын хэрэг эрхилэлгын предпритинууд - "Уржал", "Байгал", "Уголск", "Искра", "Гусиноозёрскуголь" гэхэн худалдаа наймаанай байшан болон бусад.

Энээнһээ гадна хүзэгтэйшүүл зобохон, зүдэрхэн хүүгэдтэ гутаа, хубсаһа хунар асаржа үгэдэг. Амаралтын үдэрнүүдтэ хүүгэд церковно-приходской нургуулида ябадаг. Тэндэ үнэн алдарты шажаһанай түүхэ шудалдаг болонхой.

МАНАЙ КОРР.

ЭДЭ үдэрнүүдтэ Загарайн районой Новоильинскын агротехническэ лицейдэ сальмонеллэз үбшэн тараба. 11 хүн Шэнэ-Бэрээнэй больницада ороо. Хэдэн хүн энэ үбшэндэ нэрбүүлээд, бараг наһаа. Сальмонеллэз үбшоор ехэ наһанай зон үбшэлөө. Энэ болоһон ушарай шалгагануудые элирүүлхэ шалгалта үнгэргэгдэнэ.

Байгша ондо сальмонеллэз үбшэн түрүүшынхөө үзэгдэбэ

ТҮРҮҮШЫНХЕЭ ҮЗЭГДЭБЭ

гэжэ Буряад Республикын Госсанэпиднадзорой түб мэдээсэнэ.

Иимэ үбшоор үбдэхэ хэдэн эрхэ нүхэсэл байдаг. Гол түлэб энэ үбшэн эдэе хоолой зүйлнүүдээр дамжан халдадаг, мүн ажаһуудалай, харилсаанай эрхэ байдлаһаа уламжалан дэлгэрдэг.

Гэдэһэ доторой элдэб үбшэнүүдые сараха хэмжээнүүдэ сальмонеллэз үбшэнһөө нэргылгэдэ хабаатай. Эдэе хоолой зүйлнүүдые болбосоруулжа, илангаяа овоц болон фруктнуудые найнаар угаажа эдихэ хэрэгтэй. Эдээлхынгээ урда тээ заабол гараа угааха гэдэгые бү мартайл!

МАНАЙ КОРР.

Ажаглалта

“АЛАН-ГУА” ЮУНДЭ НЮУР ХАРАНАБ?

Улаан-Үдэ хотын эхэнэрнүүдэй эдэбхитэдэй үүсхэлээр "Алан-Гуа" гэжэ нэгэдэл бии болгогдохонь гээд олондо мэдээсэл тараадаг эмхинүүдһээ дуулаһан байхат. "Эхэнэрнүүдэй холбоон" гэхэн нэгэдэлэй бүридэлдэ орожо шунгашангүй, түлэб буряад ёһо заншалаа баримталха үүргэтэй "Алан-Гуагай" ябуулдаг байһан зарим тэды алхамууд олоной зүгһөө, илангаяа эхэнэрнүүдэй, дэмжэгдэдэг, найшаагдадаг болошые һэн гээд тэмдэглэхэдэ, алдуу болохогүй ха. Жэшээлхэдэ, тэрэ үедэ Буряад Республикын соёлой габыята байһан (мүнөө Россин соёлой габыята хүдэлмэрилэгшэ) Валентина Дамбуевнагай ойн баярай үдэшэдэ ерэлэн "Алан-Гуагай" түлөөлэгшэд олондо нюураа харуулжа,

юбиярые гарай бэлэгтэйхэнээр халуунаар амаршалаа бэлэйл. Тэрэһайн найхан ёһо заншалаа саашань үргэлжэлүүлхэшые, үргэлжэлүүлжэшые байгаа юм гэбы гэхэмнай, хари...

Һая Х. Намсараевай нэрэмжэтэ буряад драмын театрай коллектив эгээл үндэр наһатай болоһон артистынгаа ойн баярые үргэнөөрт тэмдэглэбэ. Тэрэнь хэн гэшэб гэхэдэ, Буряад Республикын габыята артистка Сэндэмэ Санжиевна Гончикова болоно. Энэ нүхэрэй түрэхөөр 80 жэлэй, зохёохы ажал ябуулгынь 65 жэлэй ойн баяр тудажа ерээ бшуу.

Республикымнай Соёлой министрствээр, ВАРК-аар болон Арадай Хуралаар дэмжэгдэһэн энэ үйлэ хэрэг хадаа онсохон байһандаа ондоохоноор хүлээгдэн абтаа,

абтаха ёһотойшые байгаа. Онсонь юун бэ гэхэдэ, ная хүрэхэн эхэнэр артистын тайзан дээрэ наадажа байхые хэзээ хараа һэмта? Сэндэмэ Санжиевна тэрэ үдэшэ Россин Федерациин габыята артист Георгий Бутухановтай, Буряад Республикын арадай артист Баатар Цыбеновтэй урдань хамта наадаһан рольнуудаа гүйсэдхэжэ, олоороо сугларһан харагшадаа, театрта дуратайшуулаа дахин дахин, бахархуулан байха юм. Тэрэ баяр ёһололой оршон байдалай, гэршэ байһан хүнүүд, юбиярые амаршалагшад буряад драмын театрай мүнөөдэрэй эхэнэр "одоодой" 80 наһа хүрөөд, Сэндэмэ Санжиевна Гончикова шэнги хүнгэн сарюун ябахыень үреэжэл байгаа һэн.

Гэхэ зуура үндэр наһатын

үхибүүд, аша, зээнэр мэтэ мүнөө үеын залуу хүрэг, С. Гончиковачэй тайзан дээрэ халташые һаа наадаһан дуида үеын залуушуул - булгадаа талархалаа харуулжа, габыята артисткые хүндэлэн ёһолһон байна.

Тиин гэхээ эхэнэрнүүдэй "Алан-Гуа" эблэлэй түлөөлэгшэд (президентнь Энгельсина Гармаева) иимэ һонин, гүнзгы урда шапартай үйлэ хэрэгые обёороншыегүй, анхараншыегүй гараһан байна бшуу. Олоной ябадаг газарнуудта томоор бэшэгдэһэн сопосхолнууд үлгөөтэй байгаа бэлэй. Обёорогдонгүй байха аргагүй юм лэ. Тимэһээ анхараагүй гээшэнь, эндэ таарахань ха. Ная хүрэхэн хүгшэниие амаршалаад яахамнайб даа гэжэ һанаа һаа, ёһотой нюур харалга болоно бэшэ гэшэ гү?

В. ТОГТОХОЕВА.

ИРАГУУ НАЙХАН ХҮГЖЭМ ДОРО

"Наранай туяа", "Уянга" гэгээн конкурснууд найхан Хэжэнгэдэ үнгэрбэ. Заганадын, Хүртэйн, Могсохоной, Худанай, Ородой-Адагай, Ородой, Ушхайтын ба Хэжэнгын нургуулинуудай бэлигтэйшүүл конкурснуудта хабаадаа.

"Уянга" гэгээн хатарай конкурсдо Хэжэнгын 1-дэхи нургуулин "Наран залаа" ансамблинхид "Баяр", "Хонхо сэсэг" болон бусад хатар гүйсэдхэжэ, олоной найшаалда хүртэбэ. Эдэ хатар бэлдэһэн багша Вера Дашиевна Спасова грамотаар шагнагдаа. Э. Д. Шойдоковагай хурагшадай гүйсэдхэһэн вьетнам, казах яһатанай хатар, хаб заганадай хатар (хүтэлбэрилэгшэнь В. Гилязов) нэрьемэ альга ташалгаар угтагдаа. Бэлигтэй хүтэлбэрилэгшэдэй хурагшад хатарай конкурсын лауреадууд боложо, магнитофон, час бэлэгүүдтэ хүртөө.

Хатарнууд сооһоо, минии ханахада, эгээл гоёнь Латино-Америкын арадуудай "Самба" хатар байгаа. 11-дэхи классай хурагша Баяр Цыбикжапов 9-дэхи классай хурагша Алиса Эрдынеева хоёр тэрэ хатарые урма зоригтойгоор харуулаа.

"Наранай туяа" гэгээн дуушадай конкурсдо "Наран" гэжэ дуу гүйсэдхэһэн интернат нургуулин Дарима Дамбаева, Хэжэнгын 1-дэхи нургуулин 6-дахи классай хурагша Света Иванова Татьяна Овсиенкын дууладаг "нургуулин хаһа" гэгээн дуу гүйсэдхэжэ, лицейн 3-дахи классай хурагша Сэлмэг Дамбаринчинова Р. Д. Бурхивейай "Минии дуран" гэгээн дуу дуулаад, лауреат боложо тодороо.

Ородой-Адагай зургаа наһатай хүбүүн Дэлэг Гармаханов, эгэшэ, дүү Жамьянованууд (Могсохон), лицейн хурагша Сэсэгма Жалсанова гэгшэд дипломантнууд болобо.

Хэжэнгын 1-дэхи дунда нургуулин Аюр Бурхивей, Наташа Нимацыренова, Сарана Дашиева, Саша Хантаев болон Эдик Цымпилов, Ородой нургуулин гурбан басагад англи хэлэн дээрэ "Подводка" гэжэ дуу гүйсэдхөөд, тусхай шангуудта хүртөө.

Конкурсын түгэсхэлдэ Дунда-Худанай нургуулин хүдэлмэрилэгшэ Янжал-Нама Санжижапова өөрынгоо зохёһон "Наранай туяа" гэжэ дуугаа үхибүүдтэй хамта дуулаа һэн. Энэ дуунайнь үгыень Будажапова Нина Цырендоржиевна бэшэһэн байгаа. Олон жэлдэ Могсохоной нургуулида багшаар ажаллаад, мүнөө наһанайнгаа амаралтада гаранхай. Энэ дууень аймагай "Наранай туяа" конкурсын гимн болгохо тухай хөөрэллэбэ.

Б. ДУГАРОВ.



ҮҮДЭЭЭ СЭЛИНХЭЙ

Акционернэ "Мотом" бүлгэмэй мэдэлэй "Супер-маркет-2" гэжэ нэрэтэй магазин үнгэрһэн неделин субботын үдэр хотын зондо, мүн эндэ ерэнхэн айлшадта үүдээ үргэнөөр сэлибэ. Магазинай байшангай тэн хахад хубийн үшөө бэлэн болгодоогүй дээрэнхэнь гансал эдэе хоолой зүйлнүүдые наймаалха таһагын хүдэлжэ эхилһэн байна.

Эндэ наймаанда табигдаагүй юмэн гэжэ одоол үгы даа. Магазин ерэнхэн улад тусхай бэлдэгдэһэн түмэр гүрэмэл корзина абажа, дуратай продуктуудые өөрөө шэлэхэ корзина абажа, дуратай продуктуудые өөрөө шэлэхэ аргатай юм.

Магазинай үүдэнүүдтэнь, мүн кассануудайнь хажууда аюулгүйе сахиха албанай тусхай формотой хубсаһа үмдэнхэй залуу хүбүүд эндэ ерэнхэн

хү-үүдые хайшаа, ямар үүдээр орохыень, гартаа барижа ябалаан юумэнүүдээ хаана табихыень зааж, хэлэжэ үгэнэд. Юрэдөөл, юумэниинь хуу гуримтай, тагууд дээгүүр табяатай элдэб янзын продуктууд нилээд элбэг...

Эдэе хоолой зүйл бүхэниинь амьарлагдан табигданхай, тэрээн бүридэнь залуу наймаалагшад-басагад, хүбүүд юу худалдажа абахыень дурадхана, зууршалжа үгэнэ. Эндэ одоол үгы юумэн үгы хэбэртэй. Элдэб янзын сортнуудай колбасанууд, хатуу сыр, сагаан талхаар баригдаһан сортнуудай колбасанууд, хатуу сыр, сагаан талхаар баригдаһан хилээмэнэй зүйлнүүд, печени, конфетэнүүд, багсалаатай заганаһай зүйлнүүд, олон янзын архи, һэрюун ундан, компот болон варенинүүд, тамхи болон бусад зүйлнүүд тагууд дээрэ гү,

али томо гэгшын хайрсагууд соо гоё найханаар ябталагдан табяатай хүнүүдэй нюдэ хужарлуулна. Зүгөөртэдэнэй үнэ сэнгүүдын нилээд гашуубгар. Юундэб гэхэдэ, эдэ продуктуудай ехэнхи хубинь харин гүрэндэ үйлэдбэрилэгдэһэн гэжэ эртэһэн мэдүүлхээр.

Энэ магазин Бабушкинай үйлсын 5-дахи гэртэ оршодог. Үглөөнэй 9 часаа үдэһын 10 час болотор тэрэнэй хүдэлдэг байһыень уншагшадтаа һануулаа.

А. ДОНДКОВ.

ЗУРАГУУДААР: "Мотомой" супер-маркет гэжэ шэнэ магазин ахалатна наймаалагша Г. П. Жилина; залуу наймаалагшад Оксана Рагичева болон Иван Думнов гэгшэд юумэ худалдахана абагшадта эдэе хоолой зүйлүүдые харуулжа байна.

Ц. ЦЫРЕНЖАПОВАЙ фото.



НАЛОГОЙ АЛБАНАЙ НЮДЭН ХУРСА

Байгша оной январь-февраль барануудай хугасаа соо Буряад ороной налог түлэгшэдһөө гүрэнэй жасада 200-гаад миллиард түхэринг ороһон байна. Тэрэнэй 40,5 миллиард нь федеральна бюджеттэ оруулагдаа, 154 миллиардаа үлүү мүнгэн нютагай бюджеттэ үлөөгдөө. Налогой полициин ба налогой инспекциин федеральна зургаанууд саньтарно-эпидемиологическа хяналтадтай, дотоодын хэрэгүүдэй таһагуудтай, эд хэрэглэгшэдые, продукция үйлдбэрилэгшэдые хамгаалха албантай, тахуужантай ба нютагай ооһондоо хүтэлбэрилэхэ захиргаануудтай суг хамта хоорондоо харилсан хүдэлжэ, налогой хуули сахиха хэрэгые шалгаһан байха юм.

Шалгаһан фирмэнүүдэй гурбанай нэгэ хубинь налогой хуули зориута элдэдэг гэжэ налогой хуули эбдэһэн бодото хэрэг гэршэлжэ үгэнэ. Жэшээхэдэ, үнгэрһэн жэлдэ налогой эмхинүүд харюусагата аيار 4579 шорнуудта яла тохожо, захиргаанай харюусагата баадхажа хабаадуулаа. Банкинуудта

тоосоной счёдуудые хэжэ банкын операцн 2482 дахин болоулагдаһан байгаа. Шалгалтын 172 материалаар хэмжээ абахыень сүүдүүдтэ ба хуули сахидар зургаануудта хэрэгүүд ябуулагдаа.

Наймаанай болон худалдан абалгын эмхинүүд налогой хуули эгээл ехээр эбдэдэгээрээ "түрүүлжэ" ябана.

Буряад ороной хүндэтгэ эрхэтэд! Найдабаритай телефонуудай номернуудыень таанарга дуулгахамнай. Буряад Республикын Налогой полициин федеральна албанай управлени - 6-34-64, Буряад Республикын Налогой гүрэнэй инспекци - 6-07-41. Хуулиин урда танай эрхэтэдэй уялгада найданабди. Налогой хуули эбдэһэн ябадалтай дайралдаа гэжэ һаа, телефонуудай эдэ номернуудаар хэншые хониходохо эрхэтэй юм. Россин Федерациин Правительствоин абаһан Хуулиин ёһоор дуулгаһан хүнүүд гүрэнэй жасада ороһон мүнгэнһөө 10 процентыень абаха эрхэтэй байна бшуу.

А. ДОРЖИЕВ.

ОЛОНОЙ ЁНОРТО - ОКРУГОЙ ЁНИН

Аймагай болон округой газетэнүүд мүнөө үедэ эгээл хямга сэнхэй захилай хэблээ болоод байна. Округой ажабайдал тухай дэлгэрэнгүйгээр хоорондоо гадна, гүрэн түрэнгоо һонилуудые тобишохоноор дурархагай юм. Радиоо, телевидениин програмануудые хэблэхэдэ, уншагшадта мүн лэ найшаагдана.

1954 онһоо гарадаг "Усть-Ордын ёнин" газетэ ажабайдалай бүхы талануудай хубилалта, түн ухаанай, соёлой хүгжэлтэ харуулагдаг заншалтай юм.

Иүүлэй үедэ округто хаа хаагуур буряад газетэ эрхэтэйгээр захидар болонхой. Жэжээлбэл, Оһын аймагай Үбэсын дунда нургуулида буряад хэлээ гүнзэгыгөөр шудалжа эхилэхэй, тэндэ түрэл соёлойнгоо хүгжэлтэдэ анхаралаа ехэ хандуулдаг юм. Тиймэхээ "Буряад үнэн", "Усть-Ордын үнэн" газетэнүүд багшанарта ба хурагшадта ехэ туһалдаг. Гагна Усть-Ордын округ Ойхоной аймагтай хани харилсаагаа бэхжүүлнэ. Округой артистнар Ойхоной нотагуудна хүржэ, концерт наадаа бэлэглэдэг, олоной найшаалда

хүртэдэг юм. Энэ ушараар, магад, мүнөө жэл Ойхоной аймагһаа "Усть-Ордын үнэн" газетэ 8 хүн захяа гэжэ һанагдана. Хүтин дайга гэгээдэг Ангарск хотын хажууга оршодог Огунск нотаг бурядайнгаа найр наага Сагааланише, Сурхарбанише заншалта ёһоор тэмдэглэдэг юм. Тэндэһэ арбан хүн округой газетэдэ захил хээ, - гэжэ "Усть-Ордын үнэн" газетын редактор Б. И. Ентаев хэлээ һэн.

Шэнэ жэлэй, Мартын 8-най, бусад ехэ һайнгэрнүүдэй газетын дугаарнууд найхан үнгэтэ зурагаар шэмэглэгдэдэг,

һонирхолтой материалууд толилогдодог юм. Округой һонилууд богони мурөөр үгтэдэг, хурагшадай зохёолнууд, шүлэгүүд сар үргэлжэ гарадаг болонхой. Округой буряад хэлэнэй багшанарта туһатай методическа заабаринууд газетын хуудануудта хэблэгдэдэг юм.

Округой буряад угсаатан, түрэл дайдаһаа холо ажаһуудаг нютагайхид манай газетые захижа, округой ажабайдалаар һонирхохо бээ, - гэжэ Валерий Ихиревич найдана.

Е. ПЫБЕНОВА.

